

廣成集
十卷

四部叢刊初編集部

上海商務印書館縮印北
平白雲觀藏正統道藏本

廣成集卷之一

敢一

代陶福太保修瀝口化請額表

上鄧太尉宮內供奉聖訓又奉太師教訓元氣

臣某言伏以瀝口化者即二十四化之第十八也節應配於小滿列宿應於畢星陳安世白日昇天臺舉尚在褒女仙乘車得道轍跡猶存每歲春秋惟勒祈禱項自用軍之後併已摧殘古殿空壇僅餘基址仙像像貌盡翳榛蕪往來絕瞻敬之門仕庶無歸依之所豈期福地一旦蕭條臣輒備輿修願資聖壽伏惟陛下軒帝靈源鑲山仙鑄鑾天御極用道臨民萬方學廣覆之慈三教被惟新之澤芝田泰茂咸荷精嚴古廟儒官亦蒙飾飾況是長生之教敢申崇芳之儀旋以剪華萬葉與管中室像設免空於暴露尋冠先遂於焚修邀彼靈輿還馬勝舉香燈有託齋醮無虧林召道士楊玄狀猶孤和元何某等三人就觀居住詎但以氣涼既久門額全無敢祈兩露之恩特飾神仙之境其化伏乞聖慈依瀝口舊名仍賜給聖壽額許臣自製造懸挂庶使

琅書銀榜長懸日月之輝漢水仙山水祝聖明之壽臣某無任之至

謝新殿修金錄道場表

臣某言伏奉聖旨與右街威儀何冲徽等三十一人於新殿內修金錄道場七晝夜今月十四日開至二十日散供奉官楊紹業依時設拜言功表贊記者伏以天贊聖功鼎新大內瑤軒玉砌超三島之龍宮青瑣丹扉逾九清之鳳闕叶皇居之壯麗親帝宅之深嚴萬國仰瞻千靈森衛繞畢壇宮之製先開金錄之壇鋪舒而一一精新祇敬而重重瀾龍香上達依稀而萬聖俱臨瞻月低光彷彿而千真入會延洪曆等還永皇圖近臣拜手以投詞宰輔齋心而瞻祝珠璣允集巨脫無涯隆大賁於千春總八絃於一統臣等叨膺科

謝恩除戶部侍郎兼知階爵表

臣某言伏蒙恩勅除授光祿大夫尚書戶部侍郎上柱國蔡國公廣成先生著廣成先生宸翰雲數叨榮而但覺逾涯銜渥而周知所措且共中謝臣聞聖明居上是必授任才能俊又在官乃責陳力就列皆以道包經濟言達變通上有致君之能下蓋為臣之節處既得地用務適時苟虧利物之期必致取容之謂如臣幽懦榮奉休明係願庸樸敢陳疎寵伏惟陛下披圖創曆擬紀繼天明逾兩曜之燿德合二儀之普濟滌氛垢蘇秦囊品功宣而萬有同心化被而八紘繞指夢通叢壑股肱符命說之求景仰懷成輔嗣與非燕之兆元勳貞佐捧日扶天人傑時英誕星降徽青宮異質日月重光朱邸忠貞盤雖增水臣某江湖賤質魯褐微才為儒晚昧於成麟學道

丹恩積感皇恩晚動神魂夜驚形影紛報本

中於絲髮憂惶空溢於肺肝況復啓運之初
垂榮之始錫岷山之義號如北省之華實無
以謝國之譚上禪天經之造膝沃心之議
仰制宸衷揣身世而崇顯后多於爵位而貪
養已極豈可重慶清級更優殊榮紹啓落之
嘉稱恭玄關而璣寶且如漢推舅情昔有雄
川未聞聯席清重之司再踐非常之秩偏量
職越進退親榮仰對宸嚴無陪陳讓唯度吸
燭永答鴻恩臣不任

謝恩奉宣每遇朝賀不隨二教獨引

對表

臣某言伏蒙聖慈以臣每有起居稱賀皆與
道展僧人齊班特降宣旨令臣自今已後獨
入引對不隨眾例者禮加異等事越常倫褒
稱發自於聖心榮盛獨光於道域隆恩顯示
貴戴難勝臣某誠崇誠懼頓首頓首伏惟陛
下臨膺承天執符御曆包乾坤而覆載越日
月以照臨煊金鏡之光華無幽不察調玉燭
而亭育有物皆春由是露凝天根澤流地衣
肅武功而定氣後樂群懷心修文德而服晏

荒奸兇革面在舉宵虛之俗冰居穴處之鄉
重斯來處占風入貢理定而樂作功成而禮
行舉三代之類綱興百王之隆典有公有華
無索無偏至若群后朝元垂衣當宇儼三傑
十臣之佐冠非衆密像之賢文物羽儀輝今
映吉其或雲彩羽服仰丹階而勅書呼曰足
方袍列形度而申華祝此時微臣常依掖道
得面雲階每瞻嚴整之微獲在煙霄之上今
則迴隆瞻輿頓革前儀念臣雖述預簪冠而
身叨爵秩清級疏移於北省華實又接於南
曾持令教奉之時不離緇黃之侶得其獨引
顯示優恩昔者魏重謙之梁尋負白漢稱受
饋泰有子平禮容靡親於新規朝祀皆循於
常度今若降九尺之明命垂萬世之憲規退
省幽屏但切虔兢之威頓慙弱何勝雨露
之恩惟願丹誠永酬鴻澤臣某無任之至

謝獨引令宣付編入國史表

臣某言伏蒙聖慈特降宣旨賜臣不隨一教
獨引對以臣謝恩表宣付史館者迺自宸
表光中再禮仍編信史永載優恩祇祈難任

寵榮增極臣某中謝伏惟陛下大明御曆聖
聖宣功廓履戰以軍恩並職舒而流照賢良
入輔成多命世之臣夷夏歸仁府積殊方之
貢有俗皆臻於富壽無為欲歸於華胥由是
達島之官咸加煥煥祇林奈苑畢集精嚴四
靈提賢以呈休六氣調時而表觀玄儒鳥盛
緇褐同敷臣以常倫榮達景運道緒兩
塵於美苑官榮再發於崇班別顯殊恩獨
對緇黃班裏更宣而徑上雲天鶴駕庭中顧
影而生羽異今則寵編國史昭示東區迥
隆非次之恩永載不刊之典荒愚有京難勝
雨露之深肅不至微何報乾坤之德唯修
勳上答聖明臣不任

賀黃雲表

臣某伏觀鴻臚卿趙溫珪奏今月二十三日
皇帝駕幸得賢樓看閣將士皇太子自城南
開馬帳頭迎入城至國時城上有黃雲兩片
狀如華蓋迤邐變為紫色者日謹按堯之誕
生常有黃雲垂覆舜之御中常有黃雲凝空
又漢宣帝幸甘泉宮紫雲入殿宋世祖踐祚

歡堂見於端門黃帝有瑞雲以雲紀官今者
德動天休賜呈雲物華英共仰海嶽同勳臣
其中賀伏惟陛下體道履符惟天祇聖仁周
勤植惠普寰瀛柔遠俗以文明備克奴以武
畧蓋以中原奉泰品物未寧將申義靜之機

用極生靈之弊被律則南推觀鉅鑿門則北
掃煙埃鐵騎牙檣水耀龍驤之旗霜戈雪戟
陸陳牟擊之師振動山川奔驅雷電何間狀
拓以廓乾坤是命旦太子訓整六軍申明三
令象輪拔轉之士壯氣凌雲拔山扛鼎之天

雄心貫日皆堅金石威勵忠貞允令天心果
昭靈貺輪因對起蕭索齊凝成金柯玉葉之
奇高得帝座雙龍蓋如範之狀低接皇威初
呈隆鼎之姿新結臨闕之色有以見國寶
祐聖德升開越唐堯虞舜之微超宋祖漢宣
之盛自此享賓八極文軌萬方增重壽於德
千固宏基於隆承且躬深府樊疊親殊敢
張抹以抒情誠切雖詩而頌聖德詩一首陳
進

賀雅川進白鶴表

伏觀嚴道縣多功園崇喜里百姓李序鶴於
橋樹上獲白鶴進獻者五行表瑞是金運之
隆昌百祥同瞻賀王京之昭昭也其賀且
聞王者正名立訓體乎天意勝殘去殺慰此
人心則有異本珍禽來儀朝闕霜毛動色紺

趾標奇鉞羽呈安應見後誇於漢魏傳曆送
喜則翔顧奉於皇明伏惟陛下瑞聖王功
超三古協序而風調雨澤燭昏而鏡滿軒臺
序壽萬方再樹乾坤之本照臨下土重熙日
月之光郵文漢之思自過唐堯之鼓腹人壽

歲於物類時康況乃萬旅饒蘇十營鎡甲擒
虎剪弊撫弱字孤當欽鉦鼓之行雲懸旌旗
之舉發令而雄豪踴躍申恩而疲瘵昭蘇五
星運度以垂休八海承風而泉浪達至山河
效祉禽羽呈祥遠離海上之巢來對雲中之
闕觀其玉龍乍啓雲安不驚聖苑以仙翔
對天恩而鼓舞柱未臨陸樓泊珠簾聽素羽
以難分聽新聲而已熟不是成橋之侶殊非
鏡樹之群既彰國雪之容實煥來金之威佇
見千戈戢止奸邪屏除蕩穢場之煙燼永歸

北極靜宸區之樞機自我西方信超羣德之
輝更掩漢成之代且獲逢昌運累觀殊祥報
陳誦頌之詞上流聖明之鑒且謹陳頌聖德
紀瑞詩一首陳進千濟見旅無任之至

賀天兵軍進嘉禾表

臣某伏觀天兵軍留後崔善進討洪縣百姓
王友田上嘉禾合德圖者聖德遐通祥符慶
至文武瞻觀中外歡呼且某謹按瑞圖云嘉
禾者美瑞也拾歲精王者德至於土則二苗
同秀昔者唐叔得禾異畝同穎成王問周公
曰二禾一穗意天下和同乎王命唐叔作嘉
禾篇由是九土會同八紘歸化旅獒西貢越
雉南來三十世之宏基七百平之大業輝前
映古逾夏掩商今在聖明復彰斯瑞伏惟陛
下紹軒皇之聖緒承同帝之洪源應曆數以
配天總華夷而頌帝惟恭惟儉絕嗜音酒
之娛乃聖乃神有明目達聰之美弘武德而
先德不軌電掃奸妖播文風而旋撫戎荒雲
奔駭憂勤察祿軫憫耕農歲收豐穰田無
失業德逾于地見共秀於二苗應達乎天果

異部而同額矣聖祖與周之瑞表吾君拓土之微者則和天地為一同今則已萬方為一統況屬主師薄伐管底弔民雄後已備於彼方積異先呈於近境佇觀收剋永落氛霧開九天日月之光顯符圖卜合四海生靈之望

請駕不廷幸軍前表

臣某伏觀宜旨駕幸北路軍前者臣聞義巡功禮經岳典殊光伐叛有圖通儀蓋欲迴廣照於一方輯五端於群后尊其恭亂慰彼蒸黎死盡爾時又逢天順匪朝伊夕即親殄平不足以親駕戎車遠臨役穴願願衆慈食用驚疑伏惟陛下逾舜文明超周神武票秋霜之令敷春育之恩委以至公推其大信發戰之內風暖化行而龍渭之鄉岍岐之俗甘寒谷之氣自葉陽和息惡水之陰顯孤臨照特蠲封而撫國衆驚悞以偷安全則上將專征碑師傳伐遠歷宸并必刺報義竊惟漢

曲後川方當寒江霜雪峻淺宜易騎登況射射穿絕匪用千鈞之弩孤威荒孽軍銷萬衆之威伏乞聖慈俯徇群心特寢成命佇觀剋捷永統華夷千昌宸嚴無任戰兢越禮迫切屏營之至謹詣門奉表陳謝以聞

第二上表

臣某伏觀宜旨駕幸北路軍前皇太子宰臣百官等上表陳請未賜俞允者省方風俗雖經典之舊儀慰撫師徒乃君父之慈想但以道途險阻水陸嚴設遐邇群心實實憂灼伏惟皇帝陛下體克慈意逾舜欽明欲令寰海之人盡沐雍熙之化懽茲濟隴密通封隅久負歡望深辜恩信敬愛過者已束身効順述向背者猶掩耳偷安致一境之生靈銜積年之怨仰狗吠竟而有日思慕涕以無由所以披美鏡以整師繁韓壇而警風馳號令兩驛雄豪上將等威震雷霆心堅鐵石指期剋日必就削平豈勞親駕早與躬魔白羽六龍八馬驅馳峻嶺之中萬騎千官迢連層峯之外方寒霜雪漸逼這寒伏乞聖慈俯矜億兆

之情特駐省方之命上為宗社下慰華夷付對捷書更闢土宇日叨深府贊信謙明誠庶浼宸嚴不任待青望恩迫切禱祈之至

謝恩賜與聖觀弘一大師張階修造表

臣某伏奉恩勅宣賜左街與聖觀弘一大師張階令修葺住持者寵自宸衷崇奉慈道咸贊宏增并芝木騰輝且其中謝伏惟陛下道均軒后聖並放勛故懷於姑射之峯寄夢於華胥之境瞻言大教理契生津和神泯合於無為屬念潛期於有德化洽清靜善利邦家觀宇蕭條像設整肅爰敷綸渥載俾尊崇伏以前件觀地接玉清昔為道學尋改真元之宇復標紫極之宮至德年中易名典聖前臨廣陌東距錦江宛是靈墟實惟勝所況門庭具設像貌儼存誠歷代之仙蹤乃皇都之福地今則重加修飾盡撤葦簾塵埃於秋陌之中還瞻玉相蕩鏡鑒於萬格之內別築瑤壇灑雨露而喬樹增榮萬沈麝而辟容伊穉張潛等精專剴創恪勵住持夕磨晨鐘祝遐長於聖壽朝香暮燭期隆永於皇圖日某獲列

教門躬榮膺澤不任之至

謝恩宣賜銜號鐘表

臣某伏蒙聖旨宣賜銜號前職鐘一口於日院內充齋醮扣擊者恩甚深蒙榮榮榮榮作蹈無階輝華增輝伏惟陛下二儀復舊三景

照臨澤被無涯惠教有載故得八溟息浪長鯨持於昌時五緯循常巨擘欽銷於永夕刑平夷及倒載千戈而復俯軫皇情留慈玄教故底應於洞府行應見於靈仙固當齊聖壽於日月星辰隆寶作於乾坤海嶽今者念

臣院宇之內真麓本今二每於齋醮之長尚闕春容之譽既乏道真之器集斯集聖之儀輟

降在人間事超錫樂之榮恩重鼎鐘之賜永當廷焚芝朮構祝真靈真容煥休仰酬聖獎

所宜賜鐘臣謹以焚香祗受託不任

謝恩賜玉局化老君表

臣某言伏奉恩勅宣賜舊玉局洞門石像老君賜龍興觀御容院閣下西閣奉安供養其蓋石舍一區移析就觀起立并賜錢設齋道

衆將猶花引驛觀表頌等若星雲露臨金門增耀康莊改觀道俗同歡臣某上謝伏惟陛下法道被元垂衣運化陽清靜無爲之理敷希夷不宰之功已洽太宰將臻一統以玄元像貌容適宸居雖香渺無疆於常儀而供養合歸於法乎及中明令豐備壽益及爾未以

賀收隴州表

臣某伏觀北宮軍前隴州節度使牟願以手

以義士肝斷謀臣托晚時期珍攝差要戈矛六軍奮躍以爭先八校噴而出致勇慨上付推於其岳飲馬將竭於渭源秦隴以智合變通心明而背倒戈衝壁初命授誠獻千里之山河不旋寸刃獲一方之戶口無損秋毫使

奇春節進章真人像表

臣某伏以皇國昭水上帝開祥北極極煥紅光而誕膺中天玉斗飛龍電以啟華萬國歡騰羣心增拱伏惟陛下二儀炳靈元清集瑞至化塞乎天地清明闡於鬼神掌三十世之宏基方隆周業興四百年之景運行越漢圖渡德澤於玄儒鼓薰風於夷夏今屬壽春大節悅聖昌辰驟真雲馳御航波委成修并禮以繼山呼日與當院道士等虔拂華壇精依秘格風環寶軸披霧縹緲羅克嚴闕潔

之誠永廣乾坤之福慶聖真人昔師道祖躬
受靈廟傳真記於先天絳牒文於福地像明
星常洞達玄微萬公之識神充貞白之知畢
武以之校美詔可同年是敢藻緝繅繒式寶
瞻仰庶因幾柱光嗣積休于昌宸嚴且無任
祝聖虔切屏營之至其畫像功德數等謹詣
閤門奉進以聞伏聽初旨

黃萬祐鄧百經賜敕衣師號謝恩表

臣某伏觀恩勅愛州道士黃萬祐賜敕衣仍
師號羅江縣道士鄧百經賜紫者大聖御天
神功及物庭有賢良之佐野無遺逸之人奉
土朝宗允當聖日臣等謝伏以黃萬祐等林
永得志康慶為羣深處巖蘿回窺名利成
母華枝物有迴生駐景之能未慕殊邪有鴻
魁除光之効皆張適用潛贊明時遮攝鶴書
來朝鳳閣萬祐既燭於錦水可經至自於羅
江共仰竟天俱榮舜澤歷觀前史莫得比倫
伏惟陛下道邁唐堯功高軒后想汾水凝神
之日尚遠九重比岷山靖益之長猶勞駕駕
今則滿車九至桂櫨云來徑捨煙蘿躬朝航

奉願封嘉號俱賜服章輝簡編光揚舊稿
不任之至

廣成集卷之一

廣成集卷之二

敢二

上朝太清宮內氣應制章奏稿萬祐光復錄
詔與黃萬祐相見謝表

臣某言伏奉宣旨令臣就內樞密院與弘道
大師黃萬祐相見者天慈軫念俯及孱微荷
戴難勝親榮增極臣某中斷伏惟陛下化弘
有道理高至仁憂勞普及於萬方軫念無遺
於一物故得眠雲逸士遙馳向闕之心傲世
高人盡識朝天之禮弘道大師夙探至術深
隱巖巖名姓可聞儀形莫覩今者爰隨徽詔
直詣闕庭捨草帶荷室寵紫衣師號事光史
筆榮耀道門伏蒙聖慈宣命微臣與之相見
獲奉睿明之獎得瞻雲鶴之容中武盡天職
昇遷島嶼育異溫榮耀萬生願惟鶴鶴之微
何報乾坤之德日某不任

奏於龍興觀醮玉局劄子

右日先蒙今年十月二十二日宣賜舊玉局
洞門官舍一所并石像老君一座移在當觀
其舍今於殿後講堂臺上起立功畢便用安
置石像老君贊修供養伏以名山大川二十

四化春秋常祀著在舊儀其王局化所修常
懸伏請起天漢元年二月八日委奉府縣概
就龍興觀王局石像老君前修設冀免曠闕
以叶敬恭又此印化在萬州積年已未懸祝
皆闕既居率土之內宜申威統之文前件已
化今亦欲就龍興觀一處與玉局同用延祝
景親永福聖朝謹舉如前伏聽勅旨

皇帝為太子生日設齋表

右臣伏奉聖旨為皇太子生辰聖賜莊宅庫
錢陸拾貳文省除於北帝院差遣道衆二十
一人於七月八日開置黃籙道場七晝夜至
十五日散齋者伏以紫氣充庭青宮誕慶動
歡聲於六合歡音氣於九重凡在遐區皆度
祝賀伏惟陛下恩周中外念對良寮以皇太
子素切修行常思儉約惟無名之破費使衆
力之煩勞應諸司欲有齋修並今止的頒賜
內庫錢物特開仙觀壇場折玉京金闕之真
廣宸殿離方之福美高典冊事邁古先臣某
獲奉絲綸特申焚祝親惟新之寵澤垂鴻大
之宏規不任忤蹈之至謹錄狀陳賀謹奏

諸老君殿修黃籙齋表

臣某伏奉宣旨於北帝院奉太上老君修黃
籙道場三日設齋散壇給內莊宅庫錢陸拾
貳文省除差遣道衆二十一人行道禮懺須
令精潔伏惟陛下功包五帝德懋三皇凝旒
敷有追之風瑞氣暢無為之化宸心密感萬
靈響應以濟通睿應遐邇四海雲隨而奉聖
故得乾坤交泰日月貞華歲年康寧風雨
若神戈所指長蛇與封豕皆誅意灑所覃庇
恩與潛竭自昇由是仙山遼洞休瑞繼聞玉
印銅符檢梓閣出今則樞機流之難與時雨
之師將廓八溟同歸一統而補勉心玄教讓
德皇穹於中元齋潔之期隔三境香花之會
上答玄元聖力持闡黃籙寶壇用臻巨福洪
休克固環圖慶壽日獲隆聖業祇奉德音唯
勵精誠以虔焚祝不任荷戴之至

宣示解奏遼臺謝恩表

臣某伏奉聖旨宣示東北面軍前所奏得風
翔出歸官健王彥劉等分析賊中事宜并有
謠言奉遼臺曲予待來年者臣某言伏以天

道玄微潛司兆朕神功幽晦實主福祥必憑
謠詠之言以告休慎之旨昔吳時青童詣於
廣陌舉驗吳亡陳時異鳥下於高臺果彰陳
滅五星飛落為虞舜受圖之期一馬化龍乃
元帝與王之應斯皆發於天意感與人心詳
考嘉言尤歸聖德伏惟陛下繼天誕慶應運
啓圖徇億兆之樂推無疆海嶽承昊穹之瞻
命拯救生靈圖寶珍符不求自至夷貊塞賁
望日爭來而猶北境負恩孤城背義坐積薪
之上即致焚燒巢折羞之端立期齏粉果見
明神示讖里巷傳諺竊聞所告之詞便生剋
平之義所言遼臺者乃國家散關之外即是
國之時雨之師神道言祥光陳後后之詠成
功克敵趣是可期即當蕩定三秦統臨萬國
環圖寶曆地久天長臣獲奉天慈躬聆吉語
輒陳淺見于宸嚴不任之至

謝宣賜天錫觀莊表

臣某伏蒙聖慈宣賜漢州通記縣天錫觀唐
友則莊堂所永充常住者伏惟陛下繼天受
命應運垂靈鴻圖豫定於上清寶冊遠呈於

厚地鼎新觀宇九容休積三殿之像貌堂殿
終歲之香花精潔今則特頒睿澤廣錫莊田
輟彼膏腴永爲常住皇慈迴降玄教增崇自
茲日給齋羞免有勞卡之關最香暮燭慈專
笑祝之心析聖壽之延洪保宏基之隆永昌
某叨榮聖獎躬荷殊恩不任之至

謝恩今僧行真修丈人觀表

某伏觀慈選大師僧行真狀奏奉聖旨修
青城山丈人真君殿功畢者伏惟陛下恩撫
萬方仁深二教抵園運萬歲均崇飾之慈鹿
死覽官俱被興修之賜爰於仙宇特命高僧
觀申則副之功克就莊嚴之勝低成遂殿永
鎮福庭期五山十洞之靈增彌紛齊天之壽
日獲居玄教躬荷皇慈不任之至

宣爲皇子修生日道場散齋表

日某伏以九天集脫三景凝祥動樞殿以飛
光降春官而誕秀華更增梓億兆同歡皇帝
廣捨緡錢精崇齋福必冀上清照鑒隆萬壽
於聖躬至道貽休介千祥於儲旨克昌大寶
永統九圍日某等獲勳焚修榮頒優錫不任

惶懼之至

謝九上尊號表

日某伏奉恩制命允宰臣等所上尊號者丹
懇上陳皇明下囑自天有命率土同歡中
伏惟皇帝陛下玄爲誕商赤符興漢救焚拯
溺神寶命世之才日角月玄天啓乘時之瑞
懋宏勳而崇睿德功蓋前朝總曆數而廓洪
基祇膺寶運由是三靈改卜萬國攸歸鄙成
湯周武之君陳師用錢策創魏嗣隋之主傳
寡凌孤振衣而康濟九圍凝旒而光臨大寶
承耀魄中黃之祚執招拒西白之符璽金鏡
而照寰瀛人神交泰撫璇璣而觀海島億兆
樂推故得御端門而嘉氣橫軒登圓丘而神
兵扈仗謁清廟而玄雲四卷月瑩中宵廣鴻
名而白氣輕飛煙龍廣砌麟呈沼沁龍躍江
流草樹含文雲霞絢練金符踴義玉璽流光
雖讓德於上玄已盈編於太史又若天涯地
表右塞南荒列奇貨於明庭貢神駒於天廐
寶香來於絕域美玉薦於殊封漢孝武之四
隅請頒正朔唐高宗之諸國願混車書特後

禹封夏開堯土百揆時叙六樂克和信及朕
典恩加動植於通已實恤獄省刑天無入牢
之星地絕成牛之氣倖因繫頭成獨鉄鉄之
威華當臨誅時有錫錢之錫牲餘肥瞻紫盛
聖聖敢昭事於神明致仁賢乎緩冕虔誠心
於天地聲恭恪於郊壇感無不通動叶喜應
不樹奢靡不御纖華無沉湎之遊無忘遷之
惑不尚馳騁靡尚收漁靜必肅嚴舉惟興禮
豐財和衆禁暴安人太閔以正武威大蒐以
示軍實鏡辨百萬管策輪板拒之豪隸祀千
群蠶驥子龍孫之綏延獎忠孝博採器能片
善無遺微功必錄卑經維子敵之以高科靖
節幽人廢之以好爵實勳教本務橋勳賢藏
多福祿之權時豐稟實野有如雲之稼國富
家肥四隅無烽燧之勞百里有得謠之樂星
芒武將功高而武列洗洗嶽秀儒臣業贈而
儒風穆穆雖仲謀之興江表玄德之有坤維
較美善功曾何彷彿今則關河克靜輯輯無
諠鄰封之王帛交馳近境之干戈載戢人歡
富壽政洽雍熙文武誠臣願增徽懿中外歷

德華壽司辭果迴日月之光濟降允俞之詔
載國羅經率上普天觀盛禮而有期仰高尊
而增排已與道衆等不任踴躍歡呼殷切之
至

代人請歸姓表

臣聞磐石之宗義非他族維城之重實自本
枝將垂久大之規合定親疎之分臣自奉文
律識昧武經獲獲戎行早塵天澤提戈擊劍
惟傾報主之心北伐南征每舉勳王之節伏
自皇帝陛下駕臨紫微播蕩寰瀛念其纖芥
之勞假以殊常之澤賜爲骨肉列在宗枋但
勳指難冀酬唐造今屬以乾坤收卜天地降
休土德將移金行啓運仰華夷之推戴副億
兆之歸德端居而神奉自來遙聞舜壤恭已
而龍圖肇創不假開征嶽山之寶作天長佳
水之瑞源地久巍我帝緒承綿綿之宗浩
蕩皇基難離蓬門之子循襟肯已榮極增曼
輒披昧死之誠甘冒逆鱗之罪期分貴賤水
叙仙凡伏乞聖慈許臣却還本姓干冒宸嚴
無任待罪望恩涕泗頓越之至

賀太陽合廟不虧表

臣某伏覲司天泰今月一日丁未巳時四刻
太陽合廟於乾宿十一度至未時四刻復圓
全則驗不虧者日華騰景君德齊尊超行霄
而不虧彰昭明之通感中謝伏惟皇帝陛下

元陽誕聖二曜均明昇若木於震宮耀貞輝
於乾道體久懷而流愛九有咸恩比魯煦以
延慈二無並照故得大明增彩推英難窺契
覆載之終休越陰陽之常度祥光燭盛玄德
動天逾漢口之再中邁堯輝之合璧書之青
史寶冠瑤圖臣復奉旨期叨觀嘉祐退顧桑
榆之景倍頌葵藿之心不任歡躍之至

謝恩宣示修文人觀殿功畢表

臣某言伏觀長平山惠進禪師行且奏伏惟
聖旨重起立丈人觀真君大較功畢者聖造
旁歎仙祠重創巨功克慰靈跡增崇榮伏惟陛
下德洽萬方惠分二教文風遐布殊庭効未
服之誠武烈光宣異俗稟雲霧之令蓬宮奉
苑威遂興修實區曉禮樂之容夷夏識玄綱
之訓功俾太玄黃冠前王去冬以丈人觀置

立年深堂無燭煥命高僧而制度賜物力以
興隆於是運石他山伐材幽谷輒換入用剏
剏程能俄成大壯之功克致齊天之固虛譽
耀日廣砌橫空雲梯危梁風生蹂躪垣墉不
敗圖畫如新截岡阜而輟庭除闢溝源而護
階礎衝流莫及進石難侵遙符聖之慈願
此殊常之績集奇功於不朽增聖壽以無疆
臣叨列玄關夙深皇澤唯虔焚炷上答休明
不任

宣撫丈人觀新殿安土地迴龍恩表

臣某伏奉宣旨以青城丈人觀新殿功畢
修醮安謝者代以陛下仁周海岳澤澤儒玄
趙蜀靈山垂恩仙觀殿中之周旋既久教門
之興華無由詔命真僧頒宣國力宏建有礙
於化出魏晨遽比於神功鎮殿極承與天齊
永巨獲承睿慈慶隆離壇嚴香燭以焚修遍
真靈而告謝震至雲起如聆惠威之音玉屑
金符更廣千椿之壽以今月二十三日殿醮
訖却迴護詣閣門奉表起居以聞
賀獲神創進詩表

臣某言伏觀今日越臣葉所進合州江上得神劍一口宣示中外誓以將啓昇平祥符必降欲清兇孽神劍斯呈助聖明新斷之功表天地臣扶之力伏惟陛下功超三五威肅寰宇仁格幽明遠均天地故得山川林谷吐金瑞於層崖風雨雷霆見霜鋒於萬里一條秋水初觀出地之姿數尺練光宛耀倚天之勢仍彰變化顯著神奇普歲帝得之於水心果吞六合今陛下義之於江上即統萬方刺鍾切玉者詎可以倫新馬斷蛇者那堪傳挺

推較之恩特付事任之任而咆哮自恣殘忍爲懷屠害黎元罔遵刑憲大國撫柔之旨奉聖朝吊伐之仁既負鴻慈難逃顯戮伏惟陛下思弘天地仁慈亮湯體至道以好生布春和而照物夷蠻戎狄皆知慈育之深日月星辰共鑒包荒之廣而知俊獨違聖造肆用淫刑致遐徵之未通阻四方之向化今則當建震令斧欲興誅使普天率土之人荷去惡除兇之德克昌祚曆永福生靈臣某獲覩宸威無任歎躍快抃之至

賀鶴鳴化枯樹再生表

臣某伏觀卅州團練使張敬周奏大邑縣鶴鳴化玄一大師郭昭美申當化有古柏樹內有七株枯多年今再生枝葉鬱茂異常州司

賀劉知俊表

臣某伏觀勅旨劉知俊以兇橫暴虐已誅戮

差人覆驗有實者仙山表觀嘉樹呈祥符春

訖者罪惡實盈人神共憤允符聖斷克正嚴誅目某誠抃誠快頓首頓首伏惟劉知俊性惟先校器本凡庸有食狼焉且之心無報德懷恩之志願惡危迫歸我大朝顯數雨露之慈旒受節麾之寄委之非次待以不疑更隆

德之感通彰神功之茂育臣某誠歡抃頓首頓首臣某按瑞圖云帝王德及草木政致昇平則松柏常生木有積異伏惟陛下膺圖啓運握紀承天修文化而服遐荒推武威而平九有恩周草木惠及蟪蛄窮卷解難以歸仁

猶俗梯山而納膏由是涵濡異類感動殊倫雪先霜禽栖翔接影應龍神舉表見爲常今者玉洞雲峯靈城古化當交漢理平之際乃天師修道之鄉林麓森疎煙霞煥絕蒼崖蔚織凌空之縹跡猶存翠輝莎封化鶴之壇基尚在而巖前古柏枯朽多年雷雨露以重榮吐黃芽而再茂喬柯叢翠密葉凝陰彼王真之豫章難儔繁感雖鄉之仙槍莫繼賴祥惟七柏之興榮契卜年之遊永祥編瑞諫古昔無倫臣獲奉昌期頻聆嘉瑞敢陳諫願播寶瀛謹頌聖德七言四韻詩一首陳進

賀西域胡僧朝見表

臣某伏以西域天竺僧到闕朝覲者天慈遐被異域懷歸致萬里之蕃僧朝千年之聖主

華英率化億兆同歡臣中賀伏惟陛下繼聖統天體元立極惠周覆載仁臣策區戎實夷狄之師皆遵聲教齊萬壽之德莫繼欽明由是踰寶川馳梯航露葉貢無虛月史不使書今者天竺遠戎慈山曼俗在積雷流沙之

外比奉本處島之間遙望千霄之雲遂起朝

天之意言須重譯路想經年崎嶇不降於窮

荒匍匐願瞻於聖日雖國澄入夏抵解于關

之東羅什依泰亦自寔茲之北枝其迢遞亦

驗專勤緬惟臣子之心允自聖明之感永綸

國史克廣聖功臣僕奉天光不任

壽春節進元始天尊頓并功德疏表

臣某伏以九曲澄瀾二儀交泰星渚未流虹

之應斗極開飛電之祥瑞叶千年歡周萬國

伏惟陛下握符受命端承天弘至道而繼

三皇敷上德而超五帝化覃海嶽恩普華夷

辨髮纓是常修職貢四荒八極畢贊琛珍平

六府而天降祥潤三泉而地呈嘉脫美不

書彼玉篆波躍金麟獻顯而安禽飄雪超之

英園泰膏露威凝靈仙時見於煙巖貞檢重

榮於雲谷瓊儲歲歲寶貨川臻無向隅不獲

之夫有比屋可封之俗故得遊方慕聖異域

歸庭鼓舞翹誠歡呼率化衆範瞻海僧法靜

則稽首朝天身每願寶三滿多則傾心入貢

皆瞻北極共祝南山今屬日麗九芒風和八

景壽春大節誕聖昌辰輟繪真容願崇唐福

臣某與當院道衆起今月一日開蓮雲寶延

壽道場七晝夜香燈燭繁贊誦精虔冀憑妙

道之功永祝無疆之壽前件畫像及功德疏

一遍謹輒陳進于貴宸聽無任

謝恩賜陽平山呂延昌紫衣表

臣某伏奉勅恩賜陽平山主呂延昌紫衣仍

補充內殿贊修大德者恩垂霄漢榮及巖林

草木增輝輝耀霞動彩凡栢替楊共感休明臣

某中謝伏惟皇帝陛下惟睿開圖握符御宇

仁羣九土咸臻積星之私政布八荒已洽雍

熙之化由是群方述職重譯賓庭屬祝聖之

昌辰標壽春之大節布滿私於二教灑皇澤

於萬區呂足昌久處煙蘿深精藥餌方專心

於葺理敢企望於寵榮豈謂陛下念切勲臣

獎深銜學以呂延昌醫方著効致 彥謹危

疾蹢除迎降陰恩顯頒命服霓裳象簡難勝

天地之私慕燭朝香誓答聖明之照臣某與

道衆等不任

廣成集卷之二

廣成集卷之三

上卿太清宮門外東應制文章六龜賜紫衣表

宣進天竺僧二十韻詩表

臣某伏觀西天三滿多到闕朝對者伏以此

通王塞西渡金河路出重關程逾萬里班定

遠之經歷才及烏孫張博望之訪尋祇過青

海或蛇州駐磧人跡莫窮或飛雪流沙馬蹄

難至由是聲教或異職貢必終良嶠白琛首

標瑞典鍾山火玉顯謂祥珍況身毒居懸嶺

之陰于闐隔雪峯之外天竺遠身跋涉辛勤

幕中華僊兆之尊衛大勳聖明之主專申朝

覲實美簡錫伏惟陛下縱聖體乾膺國曆運

德逾義項仁冠夷陽修文德而御要荒耀武

功而安塞海故得西夷率服萬萬知歸南通

交趾之鄉北聚穹廬之俗獻琛奉寶無曠載

時竊惟聽政之餘每降自天之澤興弘玄釋

勳贊崇特梵利精嚴道宮煥麗一心齊致二

教俱榮紫霞洞之仙客効祥天竺國之胡僧

入貢成歸摩感共福皇國率土臣寮同深抃

蹈日某芝田木學逢嶽孤蹤獲奉天慈俯宜

明命謹課頌聖德七言詩二十韻一首陳進
冒黷宸嚴無任兢懼戰越之至

賀封寶王忠王表

臣某伏觀降制封寶王忠王者絲綸顯降典
禮昭行宗社昭休宸區增祥中賀伏惟皇帝
陛下仁推立愛道慕萬新增玉曆於延洪固
瑤枝於遠大鳳書錫命麟趾增華浮喜氣於
絳霄集榮光於朱邸臣歡逢聖運仰觀威儀
不任

賀新起天錫殿表

臣某伏觀恩勅大內新殿成賜名天錫殿者
鼎新正寢光錫是名中外榮瞻華表增祥臣
中賀伏惟皇帝陛下承經落運揮千垂衣包
九土以若臨關四門而敷睦法天構宇隆帝
宅於上京拓地開基壯皇居於億世由是前
羅象閣遐啟龍庭總日月之貞華高嚴秀閣
集星辰之瑞彩廣洽文軒巍然應奎井之墟
茂葉應氏房之狀莫不穀靈飛鳴川后貢村
人以子來功寶神助雖鎬宮曾殿被鐫細以
難傳漢關周宮尋常而莫並功云告畢寶

額受新顯神授於上玄以符天錫維宏圖於
八極永播聖功臨海嶽而閱際珍會諸侯而
朝萬國將陳大禮以福群方叶神明贊助之
期廣天地遐長之壽臣某榮逢聖日仰觀神
功不任

賀聖體漸痊愈表

臣某言伏審昨日已來聖體頌就安愈臣某
誠歡誠躍頌首頌首伏惟皇帝陛下深仁御
宇至道垂靈惠應萬區恩周品物晝乾夕惕
焦勞而騰理愆和肝食宵夜憂軫而寒暄莫
候今則神明幽贊川嶽効靈清廟貽祥玄穹
降福克安聖體彌增雨權之輝廣納洪休益
永萬年之壽華夷抃悅億兆歡呼臣某日旬
以來眼疾未減不獲趨馳玉闕蹈舞天階瞻
望煙霄不任

賀疾愈表

臣某言伏審聖體已就痊平中外臣寮咸增
踊躍臣某誠歡誠抃頌首頌首臣聞五緯經
躔尚有差其行度四時運動猶或爽於條舒
雖寒暑之非宜蓋陰陽之常數伏惟皇帝陛

下順時設教以德臨人萬機每繫於宸襟六
氣稍運於聖體今則神靈叶贊宗廟垂祥廣
集天休頌安聖體足嗣唐堯之一統永延周
帝之遐齡頌實錫於賢功恩廣海內帑鼓呼
於品物聲震層霄臣昨自三月已來偶染疾
苦不獲隨倒舞蹈光階無任歡呼屏營之至

謝手詔表

臣某言今日伏奉恩旨以臣今月十一日上
表稱賀聖體漸復事賜手詔獎飭者絳闕流
恩紫泥頒寵仰承天造俯慰凡庸臣某誠榮
誠恐頌首頌首竊以臣叨將茲野幸列班行
雖焚修每祝於龍圖而旦夕合趨於鳳閣泊
嬰疾苦稍曠朝天昨日以皇帝陛下庶政懷
勞萬機關念偶致連袂就痊和是以臣稽
首歡呼飛章稱賀實贊榮之素分乃周列之
常儀豈謂皇慈曲頒崇詔臣謹已焚香跪受
訖無任瞻天荷聖激切屏營之至

謝宣賜道場錢表

臣某言今日伏奉聖旨以臣自前月二十一
日就當院集在觀道泉老宿等於三清壇上

為皇帝陛下開置寶寶消安轉經禮會通場
伏蒙宣賜錢二十貫文者除者伏以中朝錫
寵內庫領財仰奉天慈倍銘凡恩日中謝伏
以叨為教主深受國恩凡日焚修皆歸職分
豈期聖造仍降寵私仰天上之龍顏已增感
聖捧禁中之鵝眼更切祝堯其所賜錢已已
依數跪受俵給道眾訖巨與道眾等無任感
恩激切屏營之至

賀嗣位表

臣某言伏審今日皇嗣寶位先御洪圖率土
歡呼普天欣載臣中賀臣聞成王嗣位舉千
載之徽猷舜帝繼明為百王之茂典上膺天
命下契人情伏惟皇帝陛下道比成湯仁同
大禹德宜符於五緯運潛契於二儀是以克
紹宗桃光昇寶位鼎祚彰惟新之命洪基顯
隆永之期即使車書混同夷夏清泰九上有
歸山之馬四溟無橫海之鯨衣振皇綱永安
大業臣叨榮昌運獲列簪裳仰馳捧日之心
雖同龜扈俯抱卧漳之恨莫遠見趨臣無任
瞻天望聖踴躍屏營之至

賀德音表

臣某言今日皇帝御殿宣降德音者臣聞聖
德法天應候每行於亭育神功體道順時克
布於生成莫不澤被九黎惠敷萬國凡居覆
載咸動歡呼臣某中賀伏惟皇帝陛下宅據
寰中日照天下克儉而恭於不剪柄神而全
鏡高懸是以薦塞窮荒雲奔玉帛群林絕域
霧集櫓航運在無為俗欣有道今則普宣德
教克順正陽安地表之遺教高開壽域御天
錫之新殿更肩薰風慰征役於藩方免通懸
於郡縣魁鄉遷客俱從釋宥之恩因圖緣因
畫象宣明之典式因三教將侯一同臣伏恨
疾瘵所繫不獲隨例蹈舞玉階無任歡呼踴
躍屏營之至

又賀德音表

臣某言今日皇帝御殿宣降德音者雷雨作
解渥澤滂流而九土以無道致群生之咸奉
華夷億兆孰不歡呼臣某中賀伏惟皇帝陛
下嗣聖繼明握圖御宇蒸蒸大享同漢惠以
承桃翼翼小心比周王之恭極文懷遠俗武

戰遐荒膺乾而化洽無垠出震而仁周有截
本則凝旒御宇正殿宣思安地表之黎元高
躋壽域灑天中之德澤更肩薰風憫征戍之
勤勞釋賦租之遺滯投荒遷旅固圖緣因俱
從赦宥之私盡舉寬明之典騰歡聲於域外
浮喜氣於雲間車軌書文佇歸一統瑤圖玉
曆克保千春臣復以表遲躬逢聖方嬰疾
疹不獲蹈舞玉階瞻聽天慈無任歡呼踴躍
屏營之至

謝批答表

臣某言伏奉恩勅以臣今月二日上賀登極
表一道賜批答獎飾者竊降丹霄榮臨玄教
綸垂五色出仙禁以昭彰日煥九芒向芝田
而照燭驚榮失次并蹈無階臣中謝伏惟皇
帝陛下珠衡誕瑞玉斗縱神出震域以重光
為乾樞而纂聖德超群講弘孝德以垂衣明
繼勛華宣大明而御宇湛恩遐布惠澤旁敷
欣呼振野以成雷喜氣凝空而作蒼華夷億
兆就日瞻雲臣其限以表遲兼嬰疾恙仰龍
輝而冀懇陪獻舞以無因遠貢封章遠陳誠

惻豈謂特降慶獎俯降天章成行之瑞露感
難聯幅之卿雲芬郁捧對而萬衛未重感恩
而漢勳非深鵬鷁至微乾坤難報所賜批荅
日謹已焚香跪受訖無任荷聖戴恩之至

慰中樞大祥禱制表

臣某頓首頓首言日月不居大行皇帝奄及
某祥伏惟皇帝陛下攀號痛慕聖情難居上
為宗祧下徇德此俯全大體永福華夷臣衰
疾所繫不獲隨例起居奉慰無任頌感屏營
之至謹奉表陳慰以聞

慰釋服表

臣某頓首頓首言日月不居大行皇帝尊體
如昨奉釋禮制伏惟皇帝陛下攀慕永遠聖
情難居四海臣妾服制終禮瞻天靡及履地
無容臣伏限衰疾所繫不獲趨詣闕庭哀慟
臣無任感咽摧慕之至謹奉表陳慰以聞

慰舟廟號表

臣某言今月某日追冊大行皇帝尊諡及廟
號者伏惟大行皇帝應天誕庠乘運開圖豐
沛振衣功越於漢祖郊岐拔筆仁過於周文

老唐堯舜之名過虞舜盛明之號今則式
崇尊諡愛聖功德光威震區區共感伏惟
陛下悲經罔極孝理萬方仰引錫以難違奉
冊書而增感禱天率土哀頌同深

慰陟壇表

臣某言伏承大行皇帝今月某日陟壇宮者
哀經百辟號慟大官伏惟陛下攀慕哀號聖
情難處對弓劍而增感歎光景以冥懷臣伏
限衰疾所繫不獲隨例哀慟無任頌感屏營
之至

慰附廟禮畢表

臣某頓首頓首言伏承某皇帝附廟禮畢者
禮重宗祧序中昭穆光運嚴祀永耀神功
伏惟陛下順考禮經欽明孝德正春秋嘗
之典宗配天奉聖之儀允集鴻休永崇清廟
普天率土哀慕同深

慰封陵表

臣某頓首頓首言伏觀大行皇帝陵寢封為
某陵者臣竊惟大行皇帝春日叶祥履星應
夢振乾元而啓曆拓坤野以開基鄙具鑑之

三分廣行思化欲華夷之一統符混車書陵
寢正名允符聖德伏惟陛下慕承事重道義
為先光顯遺勛輝華威權仰瞻懿範慰聖
情凡在臣寮同深哀慕

慰發引表

臣某言伏惟大行皇帝靈駕以今月某日發
引者二儀交感兩曜無光德光衡哀靈震共
慘臣某誠推誠叩頻首頓首伏惟陛下孝思
罔極聖情難居望仙駕以漸遷聽薤歌而增
咽追攀不怠號慕難勝

賀登極後聽政表

臣某言伏審今月九日皇帝御明德殿聽政
者文物羽儀初陳於玉砌行鵬振驚下則於
瑤輝中外同歡寰瀛共賀臣某誠歡誠躍頻
首頓首伏惟皇帝陛下九天誕聖七政縱神
執玉斗而御乾龍將軍四海握璫衡而司大
象爰牧萬方教啓后之文明德成王之道德
今則雲開碧落齊瞻北極之尊霞散滄溟共
奉大明之照恩覃有截惠洽無遐臣踰滯芝
田榮逢寶運悲越吟而自感趨漢殿以無由

瞻望亮天不任持節敬呼激切屏營之至

慰山陵畢表

臣某言伏承大行皇帝山陵禮畢者神官長
閉仙竅永安率土生靈不任號慕云云伏惟
皇帝陛下追慕不忘聖情難居對馬殿以增
悲攀龍算而永而遊衣高在仙駕已遙追想
英威摧慕何及臣某伏限衰疾不獲奉慰闕
庭不任號頓摧咽之至謹奉表以聞

請不赴山陵表

臣某言竊承山陵俯逼皇帝陛下哀慕無窮
欲躬赴陵蹕者恭聞中旨實該人情凡被照
臨莫不惶惑臣某誠惶誠恐頓首頓首伏以
帝王之孝也法天順人緣理制禮俾生靈咸
若而宗廟永安未聞以弓劍之哀誠復曾聞
之獨行遠勞警蹕親奉告脩伏惟皇帝陛下
考百王之舊儀徇歷世之盛典特迴聖鑒俯
契禮文遵前古之通規示後王之令範編彰
孝理以慰萬方臣不任歷懇虔望迫切之至
謹奉表陳乞以聞

廣成集卷之三

廣成集卷之四

上魏太清宮高儀奏恩制文章大過聖恩臣某頓首

戶部張相公修遷校明具齋詞

臣聞太上開圖元皇演教三籙定金明之典
功被天人九幽懸玉匱之科惠周存殁醫華
經旨遵按玄文仰祈遷校之恩輒備懺陳之
懇今月二十五日是臣先妣唐夫人夫人蜀
追封宋國太夫人劉氏忌辰本月三十日是
臣先考唐丞相太子太師致仕蜀追贈太尉
忌辰謹貢油燭香花供養之具於成都府玉
局化北帝院奉修靈寶明真道場一晝一夜
道士一十四人三時行道三時轉經對眾象
以披心馳香龍而上奏伏惟高尊懽鑒聖
垂光普告四司開明三界降九龍符命開長
夜寒庭鍊沐形魂遷校神爽出玄陰之府入
洞陽之宮罪咎蠲消冤讎解釋落名地簡列
籍道階輪轉福鄉克登仙品九玄幽識咸遂
超昇華勤修奉之心上答真靈之澤

張氏國太夫人就宅修黃籙齋詞

伏以妙道玄功濟時佐國真經秘旨拯物救

人聲宏規於億劫之前弘大化於萬天之內

宗之者諸祥功祐修之者駕景登晨振究古
今昭彰典誥張氏克承積顯輝偶聖明被沐
天光輝華帝澤備懷顧分常抱兢憂省已修
躬每為惴惴成實恐往世之積愆未懺此生之
累蒙將深幽陰有註訟之責冀其有考延之
籍又張氏今年天符臨於太極之位暗曜住
於飛化之年大星照於身宮仍當魁之性分
大運逢王金之上火力稍微小運值生金之
鄉木氣已薄細思厄會倍用憂虞竊惟大道
無方施恩普洽式申虔祝必介休祥是用竭
潔丹心修崇黃籙像瑤壇而肅列接瓊輦以
敷陳質信諸天燭蘭缸於午夜告明三界飄
飄惠於九時露懇誠希恩愍過伏惟高尊
太上萬聖千真憫鑒叩祈昭宣遲滯勅天司
地府命陰職陽家黑簿落名青宮華錄和平
債訟消解究饒北都除執對之篇年齡增遠
南極定延長之紀祿祚允宜五行行法災滯之
文九曜息照臨之咎常歡壽日永慶堯天眷
屬樂康子孫忠孝九玄七祖往逝先亡或拘